

غصب عني

ياللي عايشه جوه مني

متشيلش يا قلبي همي

..... ولا شيلي

هي فارقه يعني عندك

ما اتقسمت غصب عني

نص ميت جوه مني

وراح بقيتي ويا بعدك

شفتي اخر صبرحك

مات وريدي

مش بايدي

دمعه تاهت جوه روحي

بتناديكي غصب عني

شوق ليكي جه في حضني

اشتگيته

البكا في حضنه رميته

شق قلبي قوام داريته

من عينيكي

لما تشمت يوم في همي

وتشوفيني أصعب عليكي

شايله همي

هو انتي امي

ولا حتي جار يزورني

ولا قاضي يرد ظلمي

الحكاية سكة فيها البعد عني

نصيب وقسمه بتحايطني

مش مصدق غصب عني

طب قوليلي
شوفتي ايه في طبعي يعني
ولا كنت ليكي عادي
بالسهولة تروحي مني
واشتركي بعمرى كله
تيجي ساعه وتبيعيني
مش مسامحك
غصب عنى ياحته منى